

Indikativo. Verba modo montranta la agon aŭ staton kiel realaĵon ne dependantan de iu ajn kondiĉo aŭ volo : *en esp-o oni ĉiam uzas ~on, kiam ne estas speciala motivo por elekti alian modon.*

Indikatoro ☼. Aparato, kiu servas al indiko de tensio, premo, laboro ktp de maŝino : *la vorto ~o estas ĉefe rezervata por ~oj de fazo, kurento aŭ de frekvenco, por aliaj mezuraparatoj oni diras ĝenerale indikilo.*

Individuo. 1 Ĉiu organizita estaĵo, homa, besta aŭ vegetaĵa, rigardata kiel unuo aparte de sia speco aŭ grupo : *abelujo enhavas grandan nombron da ~oj, ordigitaj laŭ tri seksoj ; nacio ne konsistas el ~oj, sed el familioj.* 2 Persono ne konata aŭ ne nomata (ofte kun fia senco) : *jen stranga ~o ; ĉu vi konas tiun ~on ? ~a.* Propra al ~o, persona, aparta : *~a opinio, gusto, laboro ; la ~a libereco estas garantiita al ĉiuj regnanoj ; bona instruado ofte bezonas esti ~a ; la artikolo montras, ke ni parolas pri objekto ~e difinita Z.* ~eco. Eco, kiu karakterizas ~on : *ĉiu homo havas sian propran ~econ.* ~ismo. Doktrino, laŭ kiu ĉiu homo devas agi k vivu por propra, ~a celo, sendepende de aliaj homoj k konsenti al la sociaj neces-ecoj k al kolektiva kunagado nur laŭ propra decido. ~isto. Partiano de ~ismo, ~ismano.

Individualismo = individuismo.

Individualisto = individuisto.

Indukti (tr). 1 Rezoni, konkludante el apartaj faktoj al ĝenerala leĝo, el specoj al specaro, el efikoj al kaŭzo : *el tio, ni povas ~i, ke...* Kp DEDUKTI. 2 < Produkti elektran fluon per distanca efiko de magneto aŭ de alia apuda elektrofuo. ~a. Karakterizata per ~o : 1 ~a rezonado, metodo. 2 ~a bobeno, fluo.

* **Indulgi** (x). 1 Malsevere trakti ies kulpon aŭ pekon, esti pardonema kontraŭ iu, erarinta : *~i pekintan filon ; ~i al, kontraŭ iu ; ~i kulpon, pri kulpo ; ~u lin pro lia peno ; forta kolero devas esti punata, ĉar se vi ĝin ~os, ĝi fariĝos ankoraŭ pli granda Z ; esti ~ata Z.* Kp KOMPATI, PARDONI. 2 Milde agi kontraŭ iu, ne ofendi, montri konsideron al, domagi : *oni devas ~i la orelojn de la infanoj B ; la kalumnio ~os eble vian puran nomon Z ; li ne ~as vian rangon*

nek oficon Z ; ~i venkitan malamikon ; (f) la krizo ~is nian landon. ~o. 1 Mal-severeco, pardonemo : *peti ~on ; meriti ~on de iu.* 2 Respekta konsidero, modereco kontraŭ iu aŭ io : *havi ~on kontraŭ malsanulo ; oni devas lernigi la infanojn montri ~on al la maljunuloj.* ~ema. Inklina al ~o. **Sen**~a. 1 Severa, ne pardonema (Kp RIGIDA, FERA, KRUELA). 2 Senrespekta, senkonsidera (Kp KRUDA, MALĜENTILA).

Indulgenco Z (K). Plena aŭ parta antaŭliberigo je la punoj merititaj pro pekoj, konsentita de la Eklezio laŭ difinitaj kondiĉoj (fasto, preĝo, almozo ktp) : *gajni, meriti ~ojn.*

* **Industrio.** 1 Arto, metio aŭ plej ĝenerale aparta agado per kiu oni produktas riĉaĵojn aŭ plivaloraĵojn per transformado de krudaj materioj : *la ~o de fero, minoj, libro, ledo.* 2 Tuto de la artoj k metioj per kiuj oni produktas riĉaĵojn per transformado de krudaj materioj, kontraste kun terkulturo k komerco : *la ŝtato devas interakordigi la bezonojn de terkulturo k ~o ; lando kun prospera, naskiĝanta ~o.* ~a. 1 Rilata al ~o : *~a ekspozicio, societo, lernejo, laboristo ; ~aj artoj, produktoj.* 2 Havanta fortan ~on : *~a lando, urbo ; ~igo de l' kolonioj.* ~isto, ~ulo. Profesiulo, kiu mastras aŭ direktas ~an aferon.

Inerta. 1 Ne havanta propran movon : *~a ŝtono, kadavro.* 2 (f) Ne agema, ne havanta iniciatokapablon, senenergia : *~a spirito ; resti ~a antaŭ la danĝero ; ~a (pasiva) kontraŭstaro.* ~eco. 1 Natura eco de la materio, laŭ kiu korpo emas daŭrigi k persistigi sian staton de movo aŭ senmovo. 2 (f) Manko de iniciato, ne-agemeco, senenergio : *al ĉiuj admonoĵ li respondas per ne venkebla ~eco* (Kp APATIO, SPLENO, MARASMO). ~forto, ~eca forto. Forto posedata de iu ajn korpo k kontraŭanta al ĉiu ŝanĝo ĉe moviĝo aŭ senmoviĝo.

* **Infano.** 1 Homido, rilate al la gepatroj : *por patrino ne ekzistas ~o malbela Z ; ~ino Z.* 2 Homido kontraste al plenkreskinta homo (ĝis la 12-a jaro proksimume) : *en ~o vidiĝas, kia homo fariĝos Z ; gardejo por ~oj.* Kp IDO, KNABO, NASKITO, BUBO. ~a. 1 Rilata, apartenanta al ~o : *~a ludo, vesto, pupo,*